

ՔԱՂԱՔԱԿԱՆ ԿՈՂՄՆՈՐՈՇՄԱՆ ԱՐՏԱՑՈՒՄԸ
V—VII ԴԱՐԵՐԻ ՀԱՅ ՊԱՏՄԱԳՐՈՒԹՅԱՆ ՄԵՋ

Պատմ. գիտ. պալատի Լ. Հ. ՔԱՐԱՅԱՆ

Հայ ժողովրդի պատմական ճակատագրում որոշակի դեր է կատարել նրա հայրենիքի աշխարհագրական դիրքը՝ Դարեր շարունակ Հայաստանն իր ռազմաստրատեգիական առանձնահատուկ նշանակությամբ կոմախնձոր է եղել աշխարհակալության ձգտող հարեան ու հեռավոր հզոր պետությունների՝ արեմենյան, պարթևական, սասանյան Պարսկաստանի, Սելևկյանների, Հռոմեական, ավելի ուշ՝ Բյուզանդական կայսրությունների, Արաբական խալիֆայության, հետագայում նաև մյուս նվաճողների համար։ Նրա պատմական դարձացած ընթացքում եղել են մերթվերակ, հղորացում, մերթվ՝ քաղաքում ու անկում, և դրա հիմնական պատճառներից մեկը բուֆերային այն կացությունն էր, որի մեջ նա ընկել էր մ. թ. ա. I դարում։ Ի դարձում, հոգեւորական կայսրությունը իր դերի շնորհիվ էր հաստատել Նիհատ ու Տիգրիս գետերի ափերին։ Գտնդվելով երկու հոգե թշնամիների՝ Հռոմեական կայսրության և Պարսկաստանի միջև, Հայաստանը, հակառակ հայ ժողովրդի կենսական շահերի, հարկադրված էր մասնակից լինել անվերջ ու կատաղի այն պատերազմներին, որ պարբերաբար վերսկսում էին իրար դեմ հակամարտող պետությունները։ Նրա կողմնորոշումը արցակցող պետությունների համառ փնտրանքներին է ունեցել և հաճախ որոշիչ դեր է կատարել նշանց միջև մղվող պատերազմների լիքի գործում, հետևաբար Հայաստանին տիրապետելը կամ նրա հետ քաղաքական մերձեցումը այդ պետությունների համար խիստ կարևոր է եղել։

2. Մանանդյանը նկատում է, որ Հայաստանի բուֆերային դրությունն էր զլիազոր պատճառը, որ նա որոշ ժամանակաշրջաններում անկարող էր իր ձեռքն առնել սեփական ճակատագրի տնօրինումը, և նրա քաղաքական վիճակը կարգավորել են շահագրգռված պետությունները¹։ Հայաստանը իբրև Պարսկաստանի բարեկամ ու դաշնակից, անհանդուրժելի վտանգ էր հռոմեական արևելյան նահանգների համար, իսկ իբրև դաշնակից Հռոմի՝ սպառնալիք Պարսկաստանի համար։ Որպես պարսկահռոմեական համառ ու արյունահեղ պատերազմների մարտադաշտ Հայաստանը պարբերաբար ավերվում ու կողոպտվում էր, բնակչությունը սրի էր մատնվում ու գերեվարվում։

Երկրի բուֆերային դրությունը միաժամանակ նպաստում էր ֆեոդալական պետություններին բնորոշ կենտրոնախուս բռնի ակտիվացմանը և իշխող աշխարհիկ ու հոգևոր տերերի քաղաքական կողմնորոշման ավելի բացահայտ դրսևորմանը։ Այդ երևույթները կազմել են Հայաստանի ու հայ ժողովրդի հին և միջին դարերի քաղաքական պատմության էական կողմերից մեկը և իրենց լայն արտագոյումն են գտել վաղ ֆեոդալիզմի դարաշրջանից մեղ հասած պատմական երկերում։

Ներկա հոգվածում փորձ է արվում շատ համառոտ ու ընդհանուր գծերով ցույց տալ քաղաքական կողմնորոշման արտացոլումը V—VII դդ. հայ պատմագրության մեջ։

Ինչպես ամենուր, այնպես էլ Հայաստանում իշխող վերնախավերի քաղաքական կողմնորոշումը թելադրվել է առաջին հերթին պատմական կոնկրետ պայմաններով, միջազգային կյանքում տեղի ունեցող խոշոր իրադարձություններով և երկրորդ՝ երկրի ներսում տեղի ունեցող համակենտրոնացման ու

¹ Լ. Մանանդյան. Երկեր. հ. Ա, Երևան, 1977, էջ 602։

մասնատվածության հակամարտով, այլ խոսքով՝ կենտրոնաձիգ ու կենտրոնախույս ուժերի պայքարով: Այդ բոլորը պայմանավորել են պետությունների արտաքին ու ներքին քաղաքականությունը և ամբողջ քաղաքական կյանքն ու ժողովուրդների պատմական առաջընթացը:

Եթե հաշվի առնենք Հայաստանի բուֆերային դրությունը և աշխարհակալության ձգտող պետությունների՝ նրա նկատմամբ վարած նվաճողական ու ձուլարարական քաղաքականությունը, ապա պարզ կլինի, թե քաղաքական կողմնորոշումը ինչպիսի բախտորոշ դեր է խաղացել հայ ժողովրդի կյանքում և շատ հաճախ ավերիչ ու կործանարար հետևանքներ ունեցել:

Արտաշեսյան տիրապետության ժամանակներից Հայաստանում առաջացել էին քաղաքական կողմնորոշման երեք հակադիր հոսանքներ կամ ուղղություններ. 1) ինքնուրույն-ազգային, որը երկրի պաշտպանության գործում ապավինում էր իր ժողովրդին և իր սեփական ռազմական ուժերին, առանց օտար պետություններից ակնկալություններ ունենալու. կաղմակերպիչներն են եղել երկրի գահակալները, որոնք և ղեկավարել են ժողովրդի պայքարը օտար նվաճողների դեմ, 2) արևելյան կամ պարսկական, 3) արևմտյան կամ հռոմեա-բյուզանդական: Նրանց միջև հակամարտությունները հարատևել են դարեր շարունակ, կրելով մերթ քողարկված ու դավադրական, մերթ՝ բացահայտ արյունահեղ եղբայրասպան ու կործանարար բնույթ: Նախարարների այն մասը, որի նախնիները սահմանակից էին կամ մոտ Պարսկաստանին, հարել են պարսկական կողմնորոշմանը: Մյուս մասը, որի նախնիները սահմանակից կամ մոտ են եղել Հռոմեական, հետագայում Բյուզանդական կայսրությանը, ունեցել են հռոմեա-բյուզանդական կողմնորոշում:

III դարի 30-ական թվականներից, Պարսկաստանում Սասանյանների արստության հաղթանակից հետո, Հայաստանում քաղաքական կողմնորոշման բնագավառում դրությունն արմատապես փոխվել է: Եթե մինչ այդ հռոմեական ագրեսիային դիմակայելու համար հայերը ապավինել էին պարթևական Պարսկաստանին, ապա դրանից հետո Սասանյանները դարձել են հայ Արշակունիների ուխտերիմ թշնամիները և ամեն կերպ ձգտել վերջ տալ հայ պետականությանը, տիրել Հայաստանին՝ այն դարձնելով պարսկական մարզ, իսկ քրիստոնեությունը Հայաստանում պետական կրոն դառնալուց հետո վարել են ձուլարարական քաղաքականություն՝ բռնի ուժով տարածելով զրադաշտական կրոնը: Այդ քաղաքականությունը նրանք վարել են նաև Վրաստանի ու Աղվանքի նկատմամբ: Նոր պայմաններում Անդրկովկասի ժողովուրդները Սասանյանների ագրեսիային դիմակայելու համար հարկադրված են եղել դիմելու Բյուզանդական կայսրության օգնությանը: Վերջինս, որ Պարսկաստանի դեմ պայքարում դարեր շարունակ ձգտել է նվաճել Անդրկովկասը, այն դարձնել պատվար թշնամու դեմ և, որ կարևոր է, իր շահերին ծառայեցնել Անդրկովկասի ժողովուրդների ռազմական ուժերը, օգտվելով դրանից՝ աշխատել է իրականացնել իր վաղեմի այդ ծրագիրը:

Բյուզանդական կայսրությունը, մինչև Հուստինիանոսը, պահպանել էր Հայաստանի բաժանման նախօրյակին կամովին իր կողմն անցած սահմանակից հինգ նախարարությունների (ըստ հույների՝ սատրապությունների) նախարարական կարգը, ինքնավարությունը, նախարարների իրավունքներն ու արտոնությունները: Այդ կապակցությամբ Ն. Ադոնցը գրում է, թե կայսրությունը սատրապությունների ազատությունը, ինքնավարությունը չվերացրեց ոչ թե մեծահոգությունից ելնելով, այլ այն կոնկրետ պայմանների պատճառով, որ առաջացել էին Հայաստանին տիրելու համար հռոմեական և պարսկական ուժերի միջև տեղի ունեցող դարավոր մրցակցության հետևանքով: Այդ պայքարում և նրա ելքի համար, ընդգծում է Ն. Ադոնցը, ոչ պակաս նշանակալի դեր ունեն Հայաստանի կողմնորոշումը, որը հարկադրված էր հակվելու մեկ կամ մյուս կողմին²:

² Н. Адонц. Армения в эпоху Юстиниана. СПб., 1908, с. 110.

V դարում, Սասանյանների հայահալած քաղաքականության պայմաններում, անհրաժեշտություն էր զգացվել ցույց տալ անցյալում հալ-պարթևական հարաբերությունների ու հայերի պարթևական կողմնորոշման դրական արդյունքները: Պատմահայր Մովսես Խորենացին, մեղանշելով պատմության առջև, գրել է, որ իբր հայ Արշակունիների թագավորությունը ստեղծել են Պարթևները, որ Պարթև Արշակ (իրականում՝ Վաղարշ—Լ. Բ.) մեծ արքան է իր Վաղարշակ եղբորը (իրականում՝ Տրդատ—Լ. Բ.) թագավորեցրել Հայաստանում, որ Հայաստանի սահմանները որոշել է ոչ այլ ոք, քան «թագաւոր երկրի և ծովու», «հնազանդեցուցեալ զամենայն տիեզերս» «Արշակ Մեծ Պարսից և Պարթևաց արքան», որ նա իր թագավորության կեսը տվել է Վաղարշակին ու նրան ասել. «և այլ որչափ միտք քո և քաջութիւն հասանիցեն. զի սահմանք քաջաց, ասէ, զէնն իւրեանց, որքան հատանէ՝ այնքան ունի»³:

Քրիստոնեության մուտքով քաղաքական կողմնորոշումը շղարշվել է կրոնական-դավանաբանական բողոք: Հայերը, ընդունելով քրիստոնեությունը, նրա մեջ տեսել են Սասանյանների ձուլարարական քաղաքականությանը դիմակալելու և զոյատեւելու ու ինքնությունը պահպանելու զոր զենք: Հետագայում այդ նպատակին է ծառայել նաև հայ գրերի գլուխը և հայկական դպրության ստեղծումը: Ի դեպ, նկատենք, որ դարագլուխ կազմող այդ երկու իրադարձությունները որոշ ժամանակ անց նպաստավոր հող են ստեղծել Հայաստանում արևմտյան, ավելի ճիշտ՝ հունական կողմնորոշման համար: Նշելով այդ հանգամանքը, մենք առաջին հերթին նկատի ունենք կողմնորոշումը դեպի հունական գիտությունն ու մշակույթը և ոչ այնքան բյուզանդական պետական քաղաքականությունը: Բացառված չէ, որ հայ պատմագիրները, որոնք հիմնականում աղգային կողմնորոշման բարոգիչներն են եղել, մասնավորապես հեթանոսության մեջ համառոտ ժողովուրդներին դեմ պայքարում, որոշ հույներ են կապել կայսրության հետ՝ որպես քրիստոնյա պետության, առաջնորդվելով ասիական եղբուքով, որ Եկեղեցին ու պետությունը երկվորյակներ են և կոչված են համադրործակցելու աշակերտն հակառակորդներին դեմ պայքարում:

Փավստոսը գրում է, թե Արշակ II-ը, իմանալով Վաղես կայսեր կողմից ներսևս կաթողիկոսին բանտարկելու մասին, խիստ վրդովվել է ու ասել. «Ինչպե՞ս նա համարձակվեց արգելանքի ենթարկել այնպիսի մեծ և պատվավոր մարդու, որ մի աշխարհի և թագավորության գլխավորը, ուսուցիչն ու առաջնորդն էր»⁴:

Հայ հոգևոր ու աշխարհիկ իշխողները նույնպես իրենց դավանանքի, ազգային եկեղեցու պաշտպանության մեջ են տեսել երկրի և ժողովրդի ինքնությունության պահպանման հիմնական երաշխիքը: Նրանց պատկերացմամբ Եկեղեցին իր մեջ մարմնավորել է նաև պետականության դադափարը: Պատահական չէ, որ Փավստոսը գրում է, թե կայսրության արքունիքում գիտեին, որ «դրանց աշխարհում (Հայաստանում—Լ. Բ.) թագավորն ու դա (ներսևս կաթողիկոսը—Լ. Բ.) մի հաշվի են»⁵:

Քաղաքական կողմնորոշումն իր արտացոլումն է ստացել նշված դարերում նաև հայ եկեղեցու կյանքում: Այդ կապակցությամբ Ն. Աղոնցը նկատում է, որ կաթողիկոսական աթոռի վրա Գրիգոր Լուսավորչի և Աղբիանոսի տոհմերի հաջորդականությունը կապված էր գահակալող Արշակունի թագավորների քաղաքական կողմնորոշման հետ: Հռոմեական կայսրության աղդեցության ուժեղացման ժամանակաշրջանում այն գտնվում էր Լուսավորչի տոհմի ձեռքում, իսկ Պարսկաստանի աղդեցության ուժեղացման պայմաններում անցնում էր Աղ-

3 Մովսես Խորենացի. Պատմութիւն Հայոց. Թիֆլիս, 1913, էջ 31:

4 Փավստոս Բուղանդ. Հայոց պատմություն, թարգմանություն, ներածություն և ծանոթագրություններ Ստ. Մալխասյանցի. Երևան, 1947, էջ 152:

5 Նույն տեղում:

6 Նույն տեղում:

քիանոսի տոհմի ներկայացուցիչներին: Լուսավորչի տոհմը կայսրության վա-
րած քաղաքականության ջատագովն էր, իսկ Աղբիանոսին՝ ավելի շատ հակ-
ված էր Պարսկաստանին: Տիրան թագավորի ժամանակ, որը պարսիկների օգ-
նությամբ էր գահակալել, կաթողիկոսական աթոռին տիրել են Աղբիանոսի
տոհմի ներկայացուցիչները: Տիրանին հաջորդած Արշակի գահակալության
հենց սկզբում, որը հռոմեացիների օգնությամբ էր ժառանգել գահը, կաթողի-
կոսական աթոռը անցնում է Լուսավորչի թոռան՝ Ներսեսին, սակայն երբ
կայսրության և Արշակի միջև հարաբերությունները վատանում են, և նա դա-
շընք է կնքում Շապուհի հետ, Ներսեսը հեռացվում է աթոռից և այն նորից անց-
նում է Աղբիանոսի ժառանգներից Չունակ եպիսկոպոսին: Արշակին հաջորդած
Պապ թագավորը, որը գահին տիրել էր նույնպես կայսրության գեներլ օգնու-
թյամբ, Ներսեսին վերականգնում է իր իրավունքներում: Պապի բարեկամու-
թյունը կայսրության հետ երկար չի տևում, նա շուտով կողմնորոշվում է դեպի
Պարսկաստան, իսկ Ներսեսը, որ արեմտյան կողմնորոշման պարագլուխն էր,
ամեն ջանք գործադրում է՝ ետ պահելու նրան այդ քայլից, ուրի համար և սպան-
վում է⁷:

* * *

Թե ինչ վճռական դեռ է կատարել Հայաստանը պարսկա-հռոմեական հա-
կամարտություններում՝ ուղղակի գրել է Փավստոս Բուզանդը: Պարսից արքու-
նիքում հայոց սպարապետ Վասակ Մամիկոնյանը, շղթալակապ վիճակում,
Շապուհ II-ին ասում է. «Այժմ ինձ տեսնում ես փոքր մարմնով և սուր էլ
վրաս չե՛մ մեծության շափը շիմացառ, որովհետև մինչև այժմ ես քեզ համառ
առյուծ էի, իսկ այժմ աղվես դառնա: Բայց երբ ես դեռ Վասակ էի՝ ես հսկա
էի, մի ոտս մի լեռան վրա էր, մյուսը՝ մյուս լեռան, երբ աջ ոտքիս վրա էի հեն-
վում՝ աջ կողմի լեռը գետինն էի կոխում, երբ ձախ ոտքիս վրա էի հենվում՝
ձախ կողմի լեռն էի գետին կոխում»: Շապուհի հարցին, թե դրանք ինչ լեռնե-
րն են, Վասակը պատասխանում է. «Նրկու լեռներից մեկը դու էիր, մյուսը Բու-
ղանդիայի թագավորը»⁸:

Պատմագիրը վկայում է, որ դրանից առաջ նույն Շապուհի հայոց Արշակ
II թագավորին գրել է. «Բարեհաճիր, եղբայր, այս պատերազմում (Հոռմի դեմ
— Լ. Բ.) ինձ օգնել. քո գնդովդ եկ ինձ օգնության, եթե դու մեր կողմը լինես՝
գիտեմ որ հաղթությունը մերը կլինի»⁹:

Վալերիանոս կայսեր կենսագիր Տրեբելլիոս Պոլլիոնոսը Շապուհ I-ի կող-
մից կայսեր գետի վերջնելու կապակցությամբ վկայում է, որ հայոց Արտա-
վադը թագավորը (Հ. Մանանդյանը հավանական է համարում, որ աղ Արտա-
վադը հաջորդել է Տրդատ II-ին և եղել է Սասանյանների կողմնակից¹⁰) Շա-
պուհ I-ին խորհուրդ է տվել կայսերը ազատել գերությունից, պատճառաբանե-
լով, թե «դու վերցրիր գետի միայն մի ծերունու, իսկ քո դեմ խիստ թշնամաց-
րիկ երկրագնդի բոլոր ժողովուրդներին. գուցե նաև մեր դեմ, որ ուղարկել էինք
քեզ օգնական զորքեր, մենք, որ քո հարևաններն ենք՝ միշտ ծանր դրության մեջ
ենք ընկնում, երբ դուք իրար հետ կռվում եք»¹¹: Խորենացին շատ լավ է գիտակ-
ցել գահակալող Արշակունիների անելանելի վիճակը երկու աշխարհակալ պե-
տությունների հակամարտությունների մեջ: Վաղես կայսերը հղած թղթում Ար-
շակը գրել է. «Թող ինքնակալդ այնպես շմտածի, թե մենք ձեզ առեկուց սասամ-
բակեցինք կամ մեզ հզոր համարելով ասպատակող գունդ ուղարկեցինք Հու-
նաց երկիրը, բայց գիտենալով, որ մեծ խուճովություն է ծագել ձեր մեջ և որ ոչ

7 Н. Адонц. Указ. соч., с. 352—353.

8 Բուզանդ, էջ 218:

9 Նույն տեղում, էջ 187:

10 Հ. Մանանդյան. Երկեր. հ. Բ, Երևան, 1978, էջ 97:

11 Նույն տեղում, էջ 98:

որ մեզ չի փրկի Շապուհի ձեռքից, երկուդից նրան օգնեցինք մի փոքր զնդով-բայց ես ինքս, Արշակս, նրա հետ չեկա, հավատարիմ մնալով ձեզ. որի պատ-շառով նա ավերեց մեր աշխարհը, մինչև անգամ մեր հայրերի գերեզմանները փորեց, ոսկորները հանեց: Արդ՝ այս իրողություններին հավատալով՝ հաստատ պահեցեք ձեր նախկին սերը դեպի մեզ, և մենք հավատարմությամբ ձեզ կծա-ռայենք»¹²:

Հետագայում, արաբա-բյուզանդական հակամարտություններում էլ Հայաս-տանը միշտ ծանր դրության մեջ է ընկել: Ծիշտ է, սկզբնական շրջանում արաբ նվաճողներն էլ, հաշվի առնելով Հայաստանի ռազմատրատեգիական խիստ կարևոր նշանակությունը և զորական ուժերը, աշխատել են իրենց կողմը գրավել հայկական նախարարություններին. վերջիններս էլ, համոզվելով, որ կայսրու-թյունը ի վիճակի չէ իրենց օգնելու, հարկադրված հպատակվել են արաբներին, նրանց հետ կնքելով իրենց համար բավական նպաստավոր պայմանագիր:

Խոսելով խալիֆայության դեմ բյուզանդական կայսր Բարսեղ I-ի մղած հաղթական պատերազմների մասին, ֆրանսիացի գիտնական Ժ. Լորանը գրա-նում է, որ այդ ժամանակ նախարարական Հայաստանի կողմնորոշումը ստա-ցել է խիստ կարևոր նշանակություն, որ կայսեր հաղթությունը կլինի լիակա-տար, եթե հայերը ևս հարձակվեին արաբների աջ թևի վրա և օգնեին մտնելու խալիֆայության կենտրոնական երկրները: Նա միաժամանակ նկատում է, որ Հայաստանի ստրատեգիական սպառնական այդ դիրքով է բացատրվում խա-լիֆայության քաղաքականության կտրուկ փոփոխությունը IX դարի երկրորդ կեսին հայ նախարարների և հատկապես Բագրատունիների հանդեպ¹³:

Պատմագիր Ղազար Փարպեցին բացահայտել է Սասանյանների, իսկ Սե-բեոսը՝ Բյուզանդական կայսրության՝ Հայաստանի նկատմամբ վարած քաղա-քականության էությունը:

Փարպեցին գրում է, թե Հայաստանի թագավորության վերացման նախօր-յակին պարսից Հաղկերտ I-ը խորհել էր, որ Հայոց աշխարհը մեծ է և հարուստ, սահմանակից հունաց իշխանությունը, որի տիրապետությանը ենթակա են հա-յերից շատերը, և գուցե իրեն ենթակա հայերը միանան նրանց հետ, զինու ենթարկվեն հունաց կայսերը և ապստամբեն իր դեմ: Հույերը պարսից օրենքնե-րին օտար են ու ատող, ունեն նույն դավանանքն ու օրենքները, ինչ հույները: Եթե ինքը Սասանյաններից թագավոր նշանակի Հայաստանում, ապա նման կասկածներից անհոգ կլինի, այն ժամանակ հայերը միշտ երկյուղով կծառա-յեն իրենց: Սովորություն կդարձնեն ընդունել պարսից օրենքները, որսի և խա-ղերի ժամանակ մշտապես խոսելով միմյանց հետ սիրալիր բարեկամություն: Կստեղծվի, բացի այդ, փոխադարձ ամուսնություններով էլ հաղորդակից կլի-նեն միմյանց հետ: Դրանից հետո հայերը կհեռանան հույներից¹⁴:

Հաղարապետ Միհրնեսերսէն էլ, հիմնականում առաջադրելով Հաղկերտի ծրագիրը, շեշտել է, որ եթե հայերին պարսիկների օրենքներին ընտելացնեն, ապա նրանք կհեռանան կայսրից և, որ կարևոր է, այդ դեպքում վրացիներն ու ադիաններն էլ իրենց կողմը կանցնեն: Նա արքային խորհուրդ է տվել ուրացող-ներին մեծամեծ պարգևների արժանացնել ու փառավորել ավելի, քան հայոյ

¹² Մ ո վ ս ե ս Խ ո Ր Ե Ն ա Յ Ի. Հայոց պատմություն, թարգմանություն, ներածություն և ծա-նոթություններ Ստ. Մալխասյանցի. Երևան, 1940, էջ 199:

¹³ ՏԵ՛Ա Հ. Մ ա ն ա ն դ յ ա ն. Երկեր. հ. Բ, էջ 569—570:

¹⁴ ՏԵ՛Ա Ղազարայ Փարպեցույ Պատմութիւն Հայոց եւ Թուրք առ Հաճան Մամիկոնեան. Թիֆլիս, 1907, էջ 37—38:

մյուս նախարարներին: Դրանով նրանց մեջ նախանձ կգրգռվի, երբ տեսնեն, թե ինչպիսի կյանք ու բարիքներ են վայելում նրանք, դրանից հետո նրանք հոգարակամ հանձն կառնեն կատարելու կրոնափոխ լինելու մասին նրա հրամանը և կշտապեն նրա կամքով շարժվել: Հաղարապետի կարծիքով, եթե այդպես չլինի, ապա նա վստահ չէ, կասկածում է, թե մի օր հայ նախարարները կարող են գնալ ևնթարկվել հույներին, իսկ դա մեծ վնաս կլինի պարսից թագավորությանը¹⁵:

Պարսից արքունիքի ալդ քաղաքականությունն իր որոշ դրական արդյունքներն է տվել հատկապես այն բանից հետո, երբ կայսրությունը 363 թ. «ամոթալի» պայմանագրով լքել էր իր դաշնակից Հայաստանին՝ հրաժարվելով որևէ օգնություն ցույց տալ նրան:

Եթե մինչ այդ Հայաստանում դեռիշխող էր հռոմեական կողմնորոշումը՝ Մամիկոնյանների ու Լուսավորչի տոհմի ներկայացուցիչների զխալվորությանը, ապա 363 թ. հետո խիստ զորեղանում է պարսկական կողմնորոշումը՝ Նյունիքի նախարարների և մասամբ Արծրունիների տոհմի առանձին ներկայացուցիչների զխալվորությամբ: Այն հետագայում ավելի է խորանում Բյուզանդական կայսրության ձուլարարական քաղաքականության և Հուստինիանոս կայսեր իրականացրած վերափոխումների պատճառով: «Թե որքան դուրեղ է եղել այս շարժումը, — գրում է Հ. Մանանդյանը, — այդ երևում է նրանից, որ պարսկական կուսակցությունն էր հառել մինչև իսկ Վահան Մամիկոնյանը, Վասակ սպարապետի եղբայրը»¹⁶:

Քաղաքական այդ կողմնորոշումների միջև պայքարում պարսկականը հաղթանակով է դուռս գալիս: Հայ Արշակունիների դեմ նրա կուսակիցների դավաճանական գործունեությունը փաստորեն պարարտ հող էր ստեղծում Հայաստանի նկատմամբ պարսկական առքունիքի ծրագրերի իրականացման համար: Այս առումով, ինչպես մեզ թվում է, սխալվում են այն պատմաբանները, որոնք փորձում են արդարացնել հայերի նկատմամբ պարսկական արքունիքի վարած քաղաքականությունը և պարսկական կողմնորոշման կուսակիցների գործունեությունը (ն. Ադոնց, Հրանտ Արմեն, Մ. Հասրաթյան):

V դարում Հայաստանի՝ պարսկական տիրապետության տակ գտնվող տարածքում հայ նախարարների ներքին ինքնավարության սլահյանումը և հայ մշակույթի ծաղկումը նրանք պարսկական արքունիքի վարած իբր «բարհաճ» քաղաքականության արդյունք են համարում: Սակայն հայկական թագավորության անկումից հետո պարսիկ տիրակալները հարկադրված էին որոշ ժամանակ հանդուրժող լինել հայերի նկատմամբ: Պարսկաստանի կողմից Հայաստանը նվաճելու դեմ և հետագայում նոսր դաժան լուծը թոթափելու համար հայ ժողովրդի ծավալած ազատագրական հերոսական մաքառումներն էին ստիպել նրանց այդպես վարվելու: Հայկական պետականության անկումից հետո էլ հայերի դիմադրողական կարողությունը դեռ բավական մեծ էր, պարսկաբյուզանդական հակամարտությունների պայմաններում պարսկական արքունիքը ստիպված էր դա հաշվի առնել և այդ ուժը օգտագործել իր դարավոր թշնամու՝ կայսրության դեմ: Միաժամանակ Հայաստանում իր տիրապետությունը ապահովելու նպատակով նա այլազան մեքենայություններով ներքուստ քայքայում էր հայերի միասնությունը, ջլատում նրանց ուժերը: Վերահիշալ պատմաբանները անտեսում են այն կարևոր հանգամանքը, որ ինչպես քրիստոնեությունը պետական կոոն դառնելը, այնպես էլ գոի ու գրականության ստեղծումը և մշակույթի ծաղկումը թելադրված էին հենց հոգևոր դեմք ստեղծելու անհետաձգելի պահանջով, որպեսզի հայերը կարողանան դիմակայել Պարսկաստանի

15 Նույն տեղում, էջ 87—89:

16 Հ. Մանանդյան. Երկեր. հ. Բ, էջ 187:

ձուլարարական քաղաքականությունը, պաշպանեն իրենց ինքնությունն ու ներքին ինքնավարությունը:

* * *

Պատասգիր Սերեոսն էլ քաջ գիտակցել է հայ պետականության անկումից հետո Բյուզանդական կայսրության և սասանյան Պարսկաստանի հակամարտությունների պայմաններում Հայաստանի համար ստեղծված ծանր ու անհավանելի վիճակն ու նրա դերը ալդ հակամարտություններում: Նա միանգամայն ճիշտ բացահայտել է Հայաստանի և հայ ժողովրդի նկատմամբ այդ պետությունների վարած քաղաքականության «նենգավոր խորհուրդն» ու վերջնական նպատակները: Գրում է, թե հունաց Մորիկ կայսրը (582—602 թթ.) Հայաստանի իշխանների ու նրանց զորքերի մասին ամբաստանական նամակ է գրել պարսից խոսքով II արքային, ասելով. «Ազգ մի խոտոր և անհնազանդ են, ասէ, կան ի միջի մերում և պղտորեն: Բայց եկ, ասէ, ևս գիմս ժողովեմ և ի Թրակէ գումարեմ. և դու զքոյդ ժողովէ և հռամալէ յԱրեւել տանել: Զի եթէ մեռանին՝ թշնամիք մեռանին, և եթէ սպանանեն՝ զթշնամիս սպանանեն, և մեք կեցցուք խաղաղութեամբ: Զի եթէ դոքա յերկրի իռեանց լինիցին՝ մեզ հանդէլ ոչ լինի»¹⁷: Նրկու-երեք նախադասությամբ նա չափազանց դիպուկ բնութագրել է պարսիկներին ու բյուզանդացիներին: Առաջինների մասին ալդ արել է Մորիկ կայսեր պալատականների միջոցով: Պարսից խոսքով II արքան իր ներքին թշնամիների դեմ կռիւն ու համար դիմական օգնություն է խնդրում կայսրից, որը դիմում է իր պալատականներին իմանալու համար նրանց կարծիքը. վերջիններս պատասխանում են, որ պետք է ընդառանջել պարսիկներին ու կատարել խորհրանքո, ոռովհետև պարսիկները անօրեն ազդ են և բոլորովին ստախոս՝ իրենց ներս ընկած ժամանակ խոստումներ են տալիս, իսկ երբ խաղաղություն են ձեռք բերում, չեն կատարում խոստումը, ասում են, թող իրար սպառեն և մենք հանգիստ կլինենք¹⁸:

363 թ. «ամոթալի» պայմանագիրը և Մորիկ կայսեր՝ Սերեոսի բերած նամակը ցույց են տալիս, որ նույն քաղաքականությունը հայերի նկատմամբ, թերևս ավելի նենգորեն, վարել են նաև բյուզանդացիները և նրանք էլ քիչ չեն խաբել հայերին ու ահավոր շարիքներ պատճառել: Բյուզանդացիները փաստորեն իրականացրել են Հռոմեական կայսրությունից ժառանգած «բամանիք, որ տիրես» հանրահայտ սկզբունքը: Փառպեցին ասում է, որ ասլուտամբություն նախօրյակին Վահան Մամիկոնյանը նախարարներին ղեկավարել է՝ հույս չդնել բյուզանդացիների վրա, քանի որ նրանք թույլ ու խաբեբա են, Վարդանի ժամանակ նրանք «...հարանց մեռոց ուխտեցին երդմամբ, և ստեղին»¹⁹:

Քաղաքական կողմնորոշման հողի վրա տեղի ունեցած պայքարը քիչ դառնություններ ու ավերածություններ չի պատճառել Հայաստանին ու հայ ժողովրդին, այն նպաստել ու խթանել է կենտրոնախույս ուժերի ակտիվացմանը և բացահայտ դրսևորմանը: Այդ դրսևորումները հովանավորվել ու հաճախ հրահրվել են կայսրության ու Սասանյանների կողմից, որոնք և այդ ուժերը օգտագործել են Հայաստանում իրենց ծրագրերը և նպատակները իրականացնելու համար: Այսպես, Սասանյանները իրենց ձուլարարական քաղաքականությունը կենսագործել են որսատոնեությունն ուրացած, դրադաշտական կրոնն ընդունած դավաճանների ակտիվ ու գործարար աջակցությամբ, որոնք կոլել են ոչ միայն Արշակունիների ու կայսրությանը հարած նախարարների, այլև հայ եկեղեցու և կրոնի դեմ:

Այդ ժամանակաշրջանի մասին Պատմահայրը դառնությամբ գրել է, որ իրենց տիրել են խստասիրտ ու շար թագավորներ (նկատի ունի պարսից ար-

17 Պատմություն Սերեոսի, աշխատասիրությամբ Գ. Արդարյանի. Երևան, 1979, էջ 86:

18 Նույն տեղում, էջ 76:

19 Ղ ա ղ ա Ր Փ ա Ր պ ե ց ի, էջ 262:

քային և կայսրին—Լ. Բ.), որոնք ծանր, դժվարակիր բեռներ են բարձում, անտասելի հրամաններ են տալիս: Կառավարիչները կարգ չեն պաշտպանում, անողորմ են, սիրելիները դավաճանված են, թշնամիները զորացած, հավատը ծախվում է այստեղի: Ունայն կյանքի համար: Ասպատակություններ են դալիս անհատում, շատ տեղերի վրա, ստացվածքները հափշտակվում են, գլխավոր սարդիկ կապվում են, հալտնի անձեր բանտարկվում են, դեպի օտարություն են աքսորվում աղնվականները, անթիվ նեղություններ են կրում ռամիկները, առնվում են քաղաքներ, քանդվում են ամրոցներ, ավերվում են ավաններ, հրդեհվում են շինություններ, անվերջ սով և հիվանդություններ և բազմա-տեսակ համաճարակներ: Աստվածապաշտությունը մոռացված է²⁰:

Փարպեցին էլ Վահանի բերանով Միհրան զորավարին տալիս է դավաճանների ու ուրացողների բնութագիրը: Նա գրում է, որ Հայոց աշխարհը մեծ ու պիտանի երկիր է, բայց թող նա ցույց տա իրեն մի մարդ այդ երկրում, որ խաղաղորդի շնորհիվ է ղոբացել, արժանավոր կերպով հասնելով իշխանության: Ընդհակառակը, հիմա զոռանում են ավազակ, անպիտան, հացկատակ ու ստոր սարդիկ, որոնք պարսից մեծ թագավորությանը խաբում են, ուրանում իրենց կրքեր, փառքի ու իշխանության արժանանում, որից հետո գաղտնի միգում են կրակի վրա²¹:

Դրությունը, սակայն, արմատապես փոխվում է Վահան Մամիկոնյանի գլխավորած 484 թ. ապստամբության հաղթանակից հետո: Պարսից զորավար Նիխորի հետ Վահանի ունեցած ամբողջ խոսակցության մեջ Փարպեցին արտացոլել է ազդային կողմնորոշման կուսակիցների բացահայտ պայքարն այդ ժամանակի Հայաստանում գերիշխող դիրք գրավող պարսկական խմբակցության դեմ: Ավելին, Վահանը բացարձակ մարտահրավեր է նետում այդ խմբակցությանը: Նա նիխորին ասում է՝ փոռձեցեք հրաման տալ հալ այն իշխաններին, որոնց Պարսիցը Հայաստանում իշխան է կարգել և այժմ իշխանություն և պատիվ ունեն, ու հավաքեն իրենց ալրուձին և առանց պարսիկների օգնության կովեն իմ մարդկանց հետ, պայմանով՝ ով հաղթի, նրան էլ հանձնեն երկրի կառավարումը, շարունակելով ծառայել պարսիկներին²²:

Պատմագիրը պարսկական կողմնորոշման կուսակիցների դեմ հաղթանակի արդյունքներն ավելի շեշտակի ընդգծելու նպատակով Հովհան Կաթողիկոսի բերանով ասում է. «Ո՛ւր են առանց աստծու գոռոզացածները, ո՛ւր են առանց աստծու իշխանություն ձեռք բերողները, ո՛ւր են եկեղեցին անարգողները, օրենքները ոտքի տակ տվողները, սրբությունը պղծողները, մոխրատներ շինողները, ճշմարտությունը մոռացողները, արդարությունը հայհոյողները—փախան, գլուխները կախեցին, ամաչեցին»²³:

* * *

Քաղաքական կողմնորոշումը, առանձին դեպքերում, մեր մի քանի պատմագիրների հարկադրել է մեղանչել պատմության առաջ: Այսպես, Ագաթանգեղոսը գրում է, թե Տրդատ III-ի համար «Յունաց աշխարհը» մի դրախտավայր է, իբր Տրդատն ասել է, թե երբ իրենք հունաց երկրում են եղել, այնտեղ տեսել են թագավորների հոգասալությունը երկրի շնություն ու բարեկեցության համար, հոժ բազմության խաղաղ բարեկեցությունը և նրանց այդ աշխատանքը փոխհատուցվում էր խաղաղությամբ, ամենայն բարիքով փառավորվելով՝ նրանք բարիքներ էին վայելում²⁴:

20 Ն ո ռ ե ն ա ջ ի (աշխարհաբար), էջ 252:

21 Վ ա ղ ա Ր Փ ա Ր պ ե ջ ի, էջ 301:

22 Ն ու չ ն տ ե ղ ու մ, էջ 371:

23 Ն ու չ ն տ ե ղ ու մ, էջ 398:

24 Ագաթանգեղայ Պատմություն Հայոց. Թիֆլիս, 1914, էջ 73—74:

Մակայն իրապես, իհարկե, այդպես չի եղել, կայսրությունն այդ ժամանակաշրջանում ներքին ճգնաժամ է ապրել, անընդհատ պատերազմներ է մղել ներքին ու արտաքին թշնամիների դեմ, ուստի շենություն ու բարիքներ վայելելու մասին խոսք չէր կարող լինել: Ո՞րն էր Հունաց աշխարհը այդպես ներկայացնելու պատճառը: Չմոռանանք, որ Ագաթանգեղոսը իր երկր գրել է V դարի Լեոնտին, երբ Հայաստանում բավական ակտիվացել էր պարսկական կողմնորոշումը: Անհրաժեշտ էր ցույց տալ կայսրության առավելությունները Պարսկաստանի համեմատությամբ, ընդգծել, որ այնտեղ խաղաղություն է տիրում և կայսրությունը կարող է զորավիգ լինել հայությանը Սասանյանների դեմ նոր արարածում: Ահա այդ նպատակն է հետապնդել սլաոմագիրը:

Փապստոս Իուրանդի վկայությամբ սպառապետ Մուշեղ Մամիկոնյանը, որը IV դարի 65—70-ական թթ. առեւտրյան կողմնորոշման պարագլուխն է եղել, այլևս մատաչություն չունենալով Արշակունյաց թագավորության կենսունակության հանդեպ, Հայաստանը պարսկական ախրապետության վտանգից փրկելու համար նպատակահարմար է համարել նոր սլաոմականությունը ապահովել: Իյուրանդական կայսրության միջոցներով ու օգնությամբ՝ դարձնելով Հայաստանը ասոցիացած է անմատչելի մի պատվար կայսրության թիկունքում²⁵: Ըստ Փապստոսի Մուշեղը խոռոհողակցել է կայսրության իշխանների և նրանց միջոցով կայսեր հետ, աշխատել է համոզել, որ հաղթվոր է Հայոց աշխարհում մըշտական կայադրության համար ամուր պարսպներով քաղաքներ շինել ամեն մի գավառում, մինչև Գանձակ սահմանադուխտ, հալոց բոլոր ազնվականներին դինյորագրել և զինել ու պահել կայսրության հաշիկն, նշա հաշիկն պահել նաև Հայոց աշխարհի պոռքերը և ամեն զգուշություն ձեռք առնել իրենց թշնամիների՝ պարսից զորքերի դեմ²⁶: Պատմագիրն այնուհետև ասում է, թե կայսրն իբր մեծ ուրախությամբ հանձն է առել իրականացնել Մուշեղի այդ ծրագիրը, որպեսզի Հայոց աշխարհը հաստատ ու ամուր կապվի իր հետ, և պարսից թագավորը չբկարեղանա Հայաստանը գտավել: Մուշեղի մահից հետո, սակայն, այդ ծրագիրը չի իրականացվել, և Հայաստանը թողնվել է բախտի քմահաճության: Օղորդվելով դրանից, Պարսկաստանը նորից իր տիրապետությունն է հաստատել Հայաստանի մեծագույն մասում:

Այդ նույն ժամանակաշրջանում պարսկական կողմնորոշման պարագլուխներ Մերուժան Արծրունին և Վահան Մամիկոնյանը իրենց ռավաճանական եռանդուն գործունեությունն են ծավալել Հայաստանում, առաջնորդել են պարսկական ոտրագնդերը, ավերել եոկրի շատ դավառներ, մարդկային անհաշիվ զոհեր պատճառել ու գերեվարել բնակչության մի մասը: Փապստոսը հաղորդում է, որ ամենուրեք քանդել են եկեղեցիները, հիմնել ատրուշաններ ու ստիպել բնակչությանը ընդունել զրադաշտական կրոնը²⁷: Խորենացին էլ գրել է, թե Մերուժանը «ինչ գիրք որ գտնում էր, այլում էր և հրամայում էր հունարեն գրագիտություն չսովորել, այլ պարսկերեն և ոչ ոք չհամարձակվի հունարեն խոսել կամ խոսքսանել»²⁸: V դարի երկրորդ կեսին պարսկական կողմնորոշման կուսակիցները կողմից ուժեղ հալածանքներ էին սկսվել աղգային ու արևմտյան ուղղություններին հատուկների նկատմամբ, այդ թվում և պատմագիրները ու խորագանիչները Խորենացու, Փարպեցու, Խոսրովիկի և ուրիշները:

²⁵ Ն. Մանանդյան. Երկեր. հ. Բ, էջ 230:

²⁶ Բուդանդ, էջ 273:

²⁷ Նույն տեղում:

²⁸ Նույն տեղում, էջ 195—196:

²⁹ Խորենացի, էջ 205:

³⁰ Գարսեցի, էջ 436—437: Տե՛ս Մ. Արեղյան. Հայոց հին գրականության պատմություն, հ. 1, Երևան, 1944, էջ 252—253: Ստ. Մալխասյանց. Խորենացու առեղծվածի շուրջը. Երևան, 1940, էջ 130—144 և Խորենացու Պատմության ներածության XIII—XXIII էջերը: Ե. Տեր-Միխայան. Մովսես Խորենացու քաղկեդոնական լինելու առասպելի շուրջը. և նույնի՝ Գարձյալ Մովսես Խորենացու քաղկեդոնական լինելու առասպելի շուրջը (տե՛ս նրա

«Խորենացու ողբը,— միանգամայն ճիշտ նկատում է Աշ. Հովհաննիսյանը,— Հայաստանի խորտակված թաղավորությունը վերականգնելու համար արժարժված ֆեոդալական շարժման արտահայտություններից մեկն էր: Խորենացին սոսկ պատմության դրքի մեջ թաղված գիտուն չէր, այլ շարժման դադարի արտաբերություն, որ պայքարում էր պատմությունն իմաստասիրողի գրչով»: Այնուհետև նա եղրակացնում է, որ պետք է կարծել, թե «Պատմության իր գրքով Խորենացին արտահայտել է ոչ միայն իր, այլև իր մեկենասի՝ մարգարան Նահակ Բագրատունու և նրա ետև կանգնած հայ ֆեոդալական խմբակցության տրամադրությունը»³¹:

Ուշագրավ է Եղիշեի այն հարցադրումը, որ լիմադրել, պայքարել պետք է այն դեպքում, երբ վտանգվում է ժողովրդի հայրենի դավանանքը³²: Եվ քանի որ դավանանքը իմաստավորել է և՛ ժողովուրդ, և՛ հայրենիք հասկացություններ, հետևապես և այն ժամանակ պետք է պայքարել, երբ վտանգվում էին նաև այդ իմաստները: Փալատոսի և Փարպեցու վկայությամբ նրանց զխավոր գործող անձինք՝ Մանվել և Վահան Մամիկոնյանները, իրենց հեռատես քաղաքականությամբ կարողացել էին ժամանակավորապես հեռացնել այդ վտանգները և չէր թափափվել կառավարել երկիրը՝ պահպանելով շեղություն, չապավինելով ոչ մեկի օգնությանը: Վահանը պարսից զորավար Նիրհորին ներկայացրել է ապստամբների պահանջները: Այնտեղ կարողում ենք առաջին կարևոր և անհրաժեշտ պահանջը՝ իրենց սեփական օրենքներին ձեռք չտալ, ոչ մի հայ մարդու կրոնափոխ չանել, ոչ մեկին ուրացություն համար իշխանություն ու պատիվ չտալ: Հայոց երկրից կրակարանները հանել, թույլ չտալ աղետդի ու անպիտան մարդկանց կողմից եկեղեցու անարգելը, թույլ տալ համարձակ ու աներկյուղ պաշտել քրիստոնեության կարգն ու պաշտոնը, ուր և կամենան:

Երկրորդ պահանջը՝ մարդուն իշխանությամբ ու դիրքով չճանաչել, այլ արդարությանը լավն ու վատթարը հասկանալ, պիտանին ու անպիտանը որոշել: Կատարական, քաջ ու օգտակար մարդուն լավերի կարգում ընդունել, վատին ու անպիտանին արհամարհել, իմաստուններին մոտ պահել ու խորհրդակից դարձնել և հիմարներին հեռացնել ու հալածել: Վահանը միաժամանակ ընդգծել է, թե երբ այդպես լինի, ապա Արեաց աշխարհի բոլոր գործերը հաջող և անսխալ կլինեն, իսկ եթե հակառակը անեն, ինչպես մինչ այդ են արել, նրանց գործերը դիմադրության կհանդիպեն ու կձախողվեն³³:

Մամիկոնյան տոհմի այս երկու ներկայացուցիչներն են, որ խախտել են իրենց տոհմի քաղաքական կողմնորոշման ավանդական քաղաքականությունը, ակնկալություններ չեն ունեցել Բյուզանդական կայսրությունից: Իբրև հաղթողներ թելադրել են իրենց պահանջները պարտված սլուդերենին՝ պարսից թագավորին ու ժամանակավորապես հեռացնելով դավանանքին, հետևապես և ժողովրդին ու հայրենիքին սպառնացող վտանգը, կարողացել են ապահովել երկրի խաղաղությունն ու ինքնուրույնությունը: Հետագայում, հաշվի առնելով ուժերի փոխհարաբերությունը և ստեղծված նոր իրավիճակը, նույնպիսի հեռատես քաղաքականություն է վարել Թեոդորոս Ռշտունին և որոշ ժամանակաշրջանում ապահովել երկրի խաղաղությունն ու ինքնավարությունը:

Եղիշեն գիտակցել է, որ ստեղծված իրավիճակում, երբ երկրում ուժերը չլատվել էին, առկա էին քաղաքական կողմնորոշման երեք հակադիր ուղղու-

Պատմա-բանասիրական հետազոտություններ. Երևան, 1971, էջ 209—230): Տե՛ս Լ. Բաբայան. Դրվագներ Հայաստանի վաղ ֆեոդալիզմի դարաշրջանի պատմագրության. Երևան, 1977, էջ 290—296:

31 Աշ. Հովհաննիսյան. Դրվագներ հայ ազատագրական մտքի պատմության. գիրք առաջին, Երևան, 1957, էջ 100—101:

32 Եղիշեի Վասն Վարդանայ և Հայոց պատերազմին, աշխատություններ Ե. Տէր-Մինասեան. Երևան, 1958, էջ 27:

33 Տե՛ս Փարպեցի, էջ 356:

խյուններ և երբ դրսից օգնության հույս չունենին՝ տրամաբանական չէր լինի անկախության նպատակ հետապնդել: Եղիշեն Մանվել Մամիկոնյանի ծրագրի կողմնակցի դերում է հանդես եկել, այն է՝ ստեղծված պամաններում հայերը արկադրված պետք է լինեին ընդունել Պարսկաստանի գերիշխանությունը, հարկ վճարեին նրան, միայն թե չվտանգվեք դավանանքը և ազգային ինքնավարությունը: Պատմագիրը խորհում է, որ դավանանքի համար պայքարը իրականում քողարկում է հալ ժողովրդի քաղաքական հիմնական նպատակը՝ պահպանել ժողովրդի ինքնությունն ու երկրի ինքնավարությունը:

Որ իսկապես դավանական պայքարը հայերի համար շղարշ է եղել քողարկելու իրենց քաղաքական հիմնական նպատակները, բացահայտ երևում է Վահան Մամիկոնյանի՝ պարսից արքունիքի հետ կնքված պայմանագրից, որտեղ, ինչպես տեսանք, առաջին կարևոր ու անհրաժեշտ պահանջը ոչ թե կրոնափոխությունն է վերաբերում, այլ հայրենի սեփական օրենքներին ձեռք չտալուն, այլ խոսքով՝ նախարարական կարգը, նախարարների ավանդական արտոնությունները, ինքնավարությունը անձեռնմխելի թողնելուն, ի մտնալովում դրա պահանջվում է ոչ մի հայ մարդու կրոնափոխ չանել, ոչ մեկին ուրացության համար իշխանություն ու պատիվ չտալ (մի հանգամանք, որ քայքայում էր նախարարական կարգը, նրանց արտոնյալ վիճակը):

Միանգամայն ճիշտ է Հ. Մանանդյանը, որ Հայաստանի անկախության և Արշակունյաց իսկապետության վերականգման ու ղորեղացման տեսակետից Մուշեղ Մամիկոնյանի և հռոմեական ուղղության (Հ. Մանանդյանը կուսակցություն Բառն է գոծածում—Լ. Բ.) քաղաքական կողմնորոշումը նույնքան անբարենպաստ ու վտանգավոր է եղել, ինչպես Մեծոփանի և պարսկական ուղղության կողմնորոշումը: Այդ երկու կողմնորոշումները, դժարերևիվ Հայաստանի պետական ինքնակայությունը, տրամադիր են եղել երկիրը հանձնել հարևան հզոր պետություններին: Հ. Մանանդյանը արևմտահայերի նշում է, թե, իհարկե, իրենց Արշակունիները՝ Պապը և Վարազդատը, որոնք ունեին մտերիմ կոոմունիզմներ ու խորհրդատուներ (կասեինք ազգային ուղղության կուսակցները—Լ. Բ.), չէին կարող հանդուրժել իրենց թագավորական իշխանության ներգրգեցումը կամ ոչնչացումը և ձգտելու էին վերականգնել Արշակունյաց իսկապետության հին վարկը և փալը: Հայոց թագավորության պահպանման և ուժեղացման այս քաղաքականությունը, անշուշտ, ամբի իր համապատասխանում հայոց երկրի իրական շահերին, քան Մուշեղ Մամիկոնյանի քաղաքական վերահիշյալ ընթացքը³⁴:

Ազգային կողմնորոշման քաղաքականության կողմնակիցները հասկացրել են Վարազդատ թագավորին, որ Մուշեղի ծրագրի իրականացմամբ, փաստորեն, Հայաստանը կդառնա Հռոմեական կայսրության անբաժանելի մաս: Պապ իրագրվորը, որ հաշվի էր առել 363 թ. պայմանագրից հետո ստեղծված նոր իրավիճակն արտաքին աշխարհում և փորձել կայսրության կամակատարը չլինել, նենգորեն սպանվել էր Վաղես կայսրի հրամանով:

Տալով Մուշեղ Մամիկոնյանի ծրագիրը, Փավստոսը միաժամանակ տալիս է նաև նրա հաջորդի՝ Մանվել Մամիկոնյանի ծրագիրը: Ի դեպ նկատենք, որ քաղաքական կողմնորոշման հարցում Բուղանդը ավելի հակված է եղել Մանվելի ինքնուրույն քաղաքականության կողմը, և ոչ Մուշեղի Վերջինիս ծրագրի անիրականացված է նեղկայացնում, մինչդեռ Մանվելին՝ ամբողջ յոթ տարի տալիս է իր զրական առդյունքները: Միայնված չենք լինի, եթե ասենք, որ Փավստոսը, լինելով արևմտյան կողմնորոշումը գլխավորող Մամիկոնյանների և Լուսավորչի տոհմի պատմիչը, քաղաքական կողմնորոշման հարցում ինքնուրույնություն է հանդես բերել, փաստորեն կողմնակից է եղել ազգային կողմնորոշման քաղաքականությանը: Կայսրությունը Արևելքում հեղինակավորվել էր, երկրում գերիշխող էր պարսկական կողմնորոշումը, Մանվելը ստիպված

34 Հ. Մանանդյան. Երկեր. հ. Բ, էջ 232—233:

էր հաշվի առնել նոր իրավիճակը և նրա՝ դեպի Պարսկաստան հարելը թելադրված էր այդ հանգամանքով:

Թևոնա ճիշտ է Հ. Մանանդյանը, որ գտնում է, թե 226—387 թթ. հայ Արշակունիների քաղաքականությունը սասանյան Պարսկաստանի հանդեպ բավականաչափ ճկուն ու հեռատես չէր, սակայն պետք է նկատի ունենալ, որ նրանց հակապարսկական կողմնորոշման շնորհիվ էր, որ Հայաստանը կարողացավ պահպանել իր կուլտուրական ինքնությունը³⁵, Միաժամանակ նա նկատում է, որ «Արևելյան Հռոմեական կայսրության հետ քաղաքական և մշակութային մերձեցման քաղաքականությունը, որ վստում էին Արշակունիները և նրանց սերտ լաշինքը հռոմեացիների հետ ընդդեմ հզոր սասանյան Պարսկաստանի՝ կործանարար եղանակով Հայաստանի համար»³⁶:

Հայաստանին տիրելու համար Պարսկաստանի և Հռոմի միջև ծավալված դարեր տևող պայքարի հետևանքը եղել է այն, որ Արշակունյաց թագավորությունը 385 թ. նախ բաժանվել է նրանց միջև, մեծ մասին տիրել է Պարսկաստանը, փոքր մասին՝ կայսրությունը, ընդ որում 391 թ. վերջինս իր մասում վերացրել է հայկական թագավորությունն ու անկախությունը, իսկ 428 թ. այդ նույնը տրել է և Պարսկաստանը:

Եթե 451—484 թթ. սասանյան Պարսկաստանի վիրավորական դաժանությունների, տնտեսական ու կրոնական հալածանքների խիստ ուժեղացման հետևանքով Հայաստանում ուժեղացել էր բյուզանդական կողմնորոշումը, ապա VI դարում Հուստինիանոս կայսրի անցկացրած վերափոխումներից հետո (որով մեղմեցվեցին վերացվել է հայ ազատական-նախարարական կարգը, նախարարական ժառանգական իրավունքը, դադարեց խախտվել էր մշակութային ինքնությունը՝ դադարեցումը) կայսրության ձուլարարական քաղաքականության ուժեղացումը ստիպել է հայ նախարարներին, ելնելով ստեղծված կոնկրետ իրավիճակից, հակառակ կուրս վերցնել, այս անգամ սերտ կերպով մերձենալ սասանյան Պարսկաստանին, որի տիրապետության տակ գտնվող մասում նախարարական կարգը մնացել էր դրեթե անձեռնմխելի: Պատահական չէր նաև, որ հենց Հուստինիանոսի վերափոխումներից հետո էր, որ Իվինի երկրորդ եկեղեցական ժողովը (554/5) վճռական քայլ էր դրմել հայկական եկեղեցին բյուզանդականից անջատելու ուղղությամբ:

ОТРАЖЕНИЕ ПОЛИТИЧЕСКОЙ ОРИЕНТАЦИИ В АРМЯНСКОЙ ИСТОРИОГРАФИИ V—VII вв.

Доктор ист. наук Л. О. БАБАЯН

(Резюме)

В статье в общих чертах показана решающая роль политической ориентации светских и духовных феодалов Армении в разных сферах жизни страны, военно-политические предпосылки, предопределившие появление и деятельность трех течений—независимого (национального), провосточного и прозападного, а также их отражение в историографии. Материалы первоисточников раскрывают агрессивную политику Ирана и Византии по отношению к Армении, которая и определяла усиление позиции того или иного течения во внутриполитической борьбе. Приводятся свидетельства летописцев об управлении страной Манвелом и Вааном Мамиконянами. Разобрана положительная оценка их деятельности в историографии.

35 Հ. Մանանդյան. Երկեր. հ. Բ, էջ 76:

36 Նույն տեղում, էջ 444: